

有正味齋詩集

有正味齋詩集卷十五目錄

錢塘 吳錫麒 聖徵

吳船集

荅溪舟夜

壽李松雲前輩五十生辰

題馮鷺庭洞庭移居圖二首

感懷四首

題周端孝先生卯疏貼黃遺跡

菜花和張午橋翰林

溥二首

李味莊觀察招遊上海留寓南園賦謝四首

驟雨

南園初夏作二首

消夏第一集分韻得

消夏第二集同咏夏事八首

繰絲

曬藥

造醬

賣冰

插秧

洗竹

浮瓜

折荷

消夏第三集以掬水月在手分韻得水字

詠蟬

黃浦曲二首

消夏第四集分得詠史樂府四首

擊幘墜

夫人城

令公來

壤白麻

京口值雨

渡江

揚州晤曾賓谷都轉以所著買春書屋詩集見示賦此

奉贈

江孟卿招飲淨香園三首

邗溝玉廟二十韻

過尤水村新居

夜飲童氏園

八月十八日味莊觀察招集丹鳳樓觀潮卽次其韻

海上卽事四首

秋日南園雜詠八首

雨後康起山孝廉體見過留飲桂樹下

廣富林拜陳卧子先生墓

題嚴香府銓山水畫冊三首

家星槎河招集吾園看芙蓉

今年連舉三孫詩以志喜

渡黃浦

晚泊

詠醉蟹

朱纓園中翰

文煜

招集映桂堂同賦寒事八首

踏雪

探梅

曝背

圍爐

釀酒

烹羔

擁被

縫裘

聞秦蜀羣盜盪平志喜四首

梅信

哭張警堂觀察

銘

大風渡黃浦

雪

橫渡舟中望霽雪

行七寶泗涇間村落清閒風景可愛

哭鮑雅堂戶部二首

雨中味莊招集吾園

西漢定陶恭王陵鼎歌阮芸臺中丞

元屬賦

送陳默齋參戎

廣寧

之任閩中三首

有正味齋詩集卷十五

錢塘 吳錫麒 聖徵

吳船集

茗溪舟夜

篷底裏衾坐梅花送此寒不知明月上只在白雲端魚亦波心
舞琴如海上彈水晶宮許到還對水晶盤

壽李松雲前輩五十生辰

要共桃花醉一觴玉堂不戀沉黃堂未凋綠髮功名早能住青
山歲月長春滿南陔長香草人來東海說甘棠笑余亦得歸身
乞負米徒誇腰腳強

高論如聞海上琴今人顏色古人心名花闌檻栽培盛老樹風
烟閱歷深詩札寄應煩日下酒船來恰自山陰祝君唯有千秋

在名字先傳著作林

題馮鷺庭洞庭移居圖二首

鷺庭買園於洞庭山中適得沈南疑洞
庭移居圖即以自代寫別屬余題之

笠澤著書好鴛湖打槳通春波魚擲白秋樹橘園紅後約期雲
裏前身已畫中移家何日去先合製漁篷

今昔人俱勝東西峰亦連百年森樹木一紙賺雲烟但使身能
乞何妨鶴共眠楊梅遠相餉算費沈郎錢

感懷四首

洗兵何日倒天瓢夜望欖槍氣未消江漢軍聲堅四壁風烟路
勢走中條祇今殘局猶煩算在昔微熒本易澆玉靶雕弓金勒
馬誰憐上客已頭焦

兩年烽火接蠻程六載潢池敢盜兵石變劫灰猶鐵色馬敲瘦
骨已銅聲豈容螻蟻常屯結莫倚荏苒作重輕太息征輪前度

竭風雲愁護水西營

撫勦全勞

宵旰謀頻傳

恩詔下西州除凶原爲安黔首作賊寧能到白頭
浪瀟瀟豺虎出高秋羣公地位皆韓范肝膽何時

聖主酬

東風合眼想觚棱願祝春臺舉世登饒曲有情催酒
殘戰場無夢到書燈禍深已信天心悔亂定尤須徃事懲
此後長官須努力好添臺笠補荒陞

題周端孝先生血疏貼黃遺跡

晚凡百四十四字保廟孝刺指血書者其中有肅初勦進四字姚文毅公

恐其觸犯忌諱端孝因復刺舌血書成上之而此稿遂傳于世云

南八指常山舌千古淋漓血不滅臣忠子孝何分別同是心頭

一腔熱此疏乃出端孝遺願天曾荷天鑒之腥雲漉漉紙上起
想見一燈慘淡搖毫時嗚呼羣阨柄政陰疑陽乾坤閉塞迷元
黃一良一網幾打盡化碧豈少人間藏扶桑日出冰山倒不殺
仇人心未了指枯舌爛捫有稜十三行賸鋤姦草丈夫血性人
盡同論其大者孝與忠其餘義烈皆可風君不見一棹吳閭東
去路五人墓上草心紅

菜花和張午橋翰林

博二首

榆莢飄殘柳絮忙野人猶自戀春光行經幾折材落遠看到此
花滋味長爛熳何心鬪紅紫高低隨意簇青黃分明十幅袈裟
地界就金繩作道場

人來隴外已蜂聲別有真香遠更清田水四圍謀野醉夕陽一
色晝春晴乍舒桑眼迷迷接罷摘蠶心續續生計日三車催小

滿油花預要卜收成

李味莊觀察招游上海留寓南園賦謝四首

春風重與故人期，便許名園借一枝。
到處垂楊青眼在，有情流水古琴知。
雪消滬瀆留泥爪，塵洗京華賸髻絲。
多少朋交思廣廈，可能同入杜陵詩。

魚書未報庾安西，牛炙先邀王會稽。
二月來爲迎社燕，三更起聽應潮雞。
照人肝膽餘書劍，憂國心情念鼓鼙。
此是江南財賦地，感君用意在羣黎。

樓閣虛空雲與平，置身如在玉壺清。
嚴花得氣齊當戶，海雨隨風易入城。
壇禮七星鐘欲墮，步邀三弄笛先橫。
多勞下榻殷勤甚，愧我難叨孺子名。

何限關河閱歷頻，海濱翻遣息勞薪。
已能世上知棋局，漸怕尊

前喚酒人菽水經營游子苦詩書嗜好長官貧只餘意態狂猶
昔待賄新詩餞好春

驟雨

能爲催詩至繁聲不厭多綠先池面破涼在樹頭過負屋蝸行
壁爬沙蟬出窩清調須宛轉莫唱打新荷

南園初夏作二首

苔徑無人行琴臥斜陽清水紋搖似篆丁子尾初生
林間脫殼笋渚裏破毛禽著箇老夫坐南風看綠陰

消夏第一集分韻得寒字

羈心倦鬱暑遠夢凌飛翰清風來故人踐此池上歡斜陽樹頂
沒衆綠橫一欄欄外石約通俯聽鳴幽湍淅淅潮暗生中挾海
氣寒揚鬢信魚樂所託游泳寬人生知音感亦在流水彈壺觴

合契易金石敦好難願申君子情不厭燭屢殘暝色波面動竹
柏如有瀾相思明月照常佇碧雲端

消夏第二集同咏夏事八首

繰絲

馬頭神賽罷煮繭香風吹宛轉翠釜中雙筯交絡之長短出織
手控引繰車隨綠陰日停午沙沙雨鳴時轉眼光明生圓旋去
雪一篩昔嗟二月賣剝肉瘡莫醫今喜催科息嫁衣行可治願
作同功綿毋學寡女絲

曬藥

我懲三年艾預蓄百金藥未暇服餌充輒恐蟲蠹託晨曦展靈
根傾筐就照灼回此山中春氤氳動雲脚斜光簷乍收香氣庭
猶掠甘苦藉咬咀刀圭費斟酌呼禽擣更清遣婢丸不惡大還

無外求紅霞口中嚼

造醬

食醫職不脩方法廢百醬近合豆麥爲蒸若餅餌狀采綠葉薦
筐膏黃草施障變化七日成壞色精醞釀瓠瓠備分儲鹽水各
稱量曝日喜有功聞雷幸無恙涼並梅諸登甜雜瓜脯餉覆瓿
吾已甘吟成莫惆悵

賣冰

前身本流水爲山倏峻嶒如何附熱人至此思倚冰頗憶長安
陌銅盞敲相磨江南四五月亦共鱖魚登今年苦溽暑入市價
更增誰持心一片照我清不勝潔白壺剖玉晶芒鑑搖菱卽境
感屏謝無庸賦青蠅

插秧

黃梅雨新足田水聲浪浪連翩木駉駉來往泥塗忙栽鋤耶背
笠分把妾投裳與郎遞拋接辛苦力各當朝來綺鄣間森森自
成行教兒當在孩養苗富在秧蒙泉滋灌慨除去莠與稂南風
吹幾日蟬鳴稻花香

洗竹

八耳簪響微老笋已成竹幽人讀書處綠雲遮滿屋竊喜繁新
陰亦賴其冗複攘之復剔之長日課童僕一洗此君塵清風生
面目宛彼嬋娟姿濯濯出新沐雷霆龍角奮霄漢風稍盪飄然
月到廊和影媚幽獨

浮瓜

綠沉名久擅陶暑浮獨誇冷浸一團月漾漾搖井華陰陽妙凝
結元胎雜冰霞客來故事徵決戰如鬪茶金刀纔欲剖清風津

齒牙頗憶南皮會誰知故侯家青苔上玉甃寒蔓迷蓬麻富貴
亦何好吾將終灌瓜

折荷

驟雨萬珠瀉歌聞打新荷葉葉香勝花朵采船如梭十頃涼雲
間扇影搖青羅牽袖變絲長觸手防刺多涉江日云暮夫君望
如何無光照顏色持底作鏡磨世說江從簡嘲何敬容云欲持荷作鏡荷暗本無光我喜衣可製
臨風舞婆娑勸君碧筒飲催卷舌底波

消夏第三集以掬水月在手分韻得水字

荔支船到炎風起我正涼堂夢秋水使君愛賦銷夏詩招客同
尋斜照裏百年喬木閱羈人一徑青苔通步屐林亭位置良不
俗潤色終須文字美旌旗掩映在藤蘿早有清光嚴整被前宵
月在池上約今夕來應月先喜當筵滅燭目生輝出海蟾盤盪

霞綺樹梢水活濕流螢波面珠馳躍驚鯉金尊漱灩不辭滿醉
聳吟肩噲宮徵喜然霹靂琵琶鳴拉雜何從辨絃指舊事南皮
香莫追卽今高會誰能比通賓那數鄭當時下榻慚徐孺子
純醽蕭瑟隔烟波願借餘光照千里三間茅屋歸倘營松菊尚
煩君料理

時味莊爲余謀
置草堂故及之

詠蟬

爾亦苦吟者淒淒劇可憐仙難成蛻後影已老秋前不斷關山
道相逢風露天柴門誰倚杖入聽獨悠然

黃浦曲二首

朝發吳淞口暮宿黃浦江不戀鱸魚美只羨鯉魚雙
郎如阿那帆儂似鐵鹿子留郎明日行怕有風波起

消夏第四集分得咏史樂府四首

擊幘墜

滿腹精神錢世儀奈何燃犀照不知擊幘一墜空爾爲蓮華生
白犬下可兒可兒亦長夜絳囊傳紉有歇時爾幘安能復戴之

夫人城

朱旗前繡繖後誰履城刺史母刺史著威名阿母有賢聲築城
如鍊敵膽驚爾堅爾堅石打破打不破夫人城

令公來

營門開令公來令公一見虜意摧帳中密誓一杯酒十萬吐蕃
曳兵走人生仗忠信利害安足論不見家僮落落到寺門流涕
更有魚朝恩

壞白麻

裴延齡姦且邪陰相延齡壞白麻延齡不相城已貶諫議之名

名不忝明年愈亦貶陽山鳳凰墮地虎守關
延英空見武人拜
天吝太平言者戒白麻未壞國事壞

京口值雨

翻車拾爍沸水邦遠雜歌哭聲喧咷幼穉欲焦老無色其雨其
雨心焉懔雷君出裝今日早火繖先快炎官降卸帆却好到京
口山樓急杵僧鐘撞前雲白過後雲黑一條龍氣生空江葭蘆
夾岸動幽聽有淦已送涼淙淙忽翻匹練瀉清快下激風浪鳴
錚從烟霏霧捲不收拾溝壑四注如奔龍千嶂轉眼同一碧生
意湊入詩人腔因得魚百錢買煮配下箸浮秋釭金焦闐然
出新沐屨回青眼窺蓬窗蓬頭跣足醜莫笑有田便欲從耕耰
夜尋清夢趁潮去瓜州燈火嗶羣尤

渡江

擊楫平生數往還此行難得一身閒詩心清過中冷水畫本濃
于小李山鐘磬聲飄雲木外魚龍氣涌浪花間無田且喜歸來
早不怕江神笑我頑

揚州晤曾賓谷都轉以所著買春書屋詩集見示賦此
奉贈

秋風木葉飛涼帶遠人至竹西今寂莫荒亭歇歇吹曾侯敦古
歡迎客肯倒屣胸中靜琴張無絃有妙理爲我彈高山淵乎邱
壑遠平生李杜心高華在夢寐天姿出峭嵒風骨挾雄異蟲鳥
聲不聞竹柏自相媚十年爲政成策勲到文字紅橋藕花明蜀
岡松影翠暇日賓從招來替此翁醉平視隔江山落落只詩意

江孟卿招飲淨香園三首

花裏搖來載酒船涼堂拂拭爲開筵闌干初是吟詩倚月冷雲

荒又幾年

樹自清蒼水自流
湘簾無復上銀鉤
風標公子來何意
添寫白荷花畔秋

星星螢火照歸樵
歌吹於今也寂寥
一醉菰盧重又到
酒人差不負紅橋

邦溝王廟二十韻

梧桐秋雨歇遺廟訪城隈
淮水三洲接韓江一道開
販鹽高艦聚轉漕疾帆催
美矣崇明祀君哉信霸才
決排留後駢疏鑿出新裁
末口今臨眺餘皇此溯洄
行軍耀茶火伏莽走蛇虺
鳥喙山頭返鴟夷江上哀
豈防終負負毋乃太恢恢
歎血雄牛耳捧心甘鳩媒
百牢徵未已九術餌寧猜
彼計麻先種吾憂櫓可材
夢隨流水去寒逐好冠來
身世蟬吟樹光陰鹿上臺
黃絲聽曲

換白馬看潮回故冢遙迷草殘碑細剔苔隸將召伯比靈合憤
王陪賽社錢飛紙迎神鼓奏雷魚鹽同乞利解稻藉穰災滿酌
寒泉好休勞薦越醅

過尤水村新居

如入蒼葭裏伊人幸許尋詩新編塞上

時以所刊山
塞詩見此

酒未斷山陰脩

竹並高致涼花多淨心相看同白髮不覺坐談深

破屋玉川子移居誰寫之書經幾牛汗牀用一龜支習靜聊耽
佛養疴休謁醫漸余觸塵熱還覓草堂貲

夜飲童氏園

各有詩心到酒邊園林霽色夕逾鮮葉纔脫樹月流地秋欲浸
八河在天乍會客偏如鷺熟半酣吾擬就鷗眠涉江明日孤帆
去回首蒹葭思渺然

八月十八日味莊觀察招集丹鳳樓觀潮卽次其韻

城頭百雉折雲迴縹緲身如到帝臺
水近窗收秋氣入潮生樹合雨聲來
新詩健過錢塘弩明月邀之太白杯
一曲霓裳重又聽故應巖桂早催開

時結維南村鼓琴
夾望江天云云

海上卽事四首

無復樓船到海邊驚心瀕洞起風烟
憑依島嶼吟山鬼出沒波濤學水仙
鸞扇棱棱搖毒尾魚燈閃閃吐饒涎
包容縱說圓癡大莫任牙鬚長養全

囊中何異聚醯雞霧眼偏教五里迷
關關地容秦謀隱江湖人慣盜糧齋
將軍自袖屠鯨手長史誰燃照怪犀
一笑徙薪徒早計常談合愛老生詆

蒼茫咫尺接戈矛草木餘聲颯颯秋
不信水流能到岸但言風

引自回舟輸琛底事誇龍戶
嗔氣先教駭蜃樓
我是錢塘江上客
王思鐵弩射潮頭

陰火交連巨礮紅
纔收劫殺已枰空
亡羊辛苦防歧路
賣犢蒼黃贖義公
一錯不須慚鑄鐵
此時未可議藏弓
昆明水戰千秋事
長望旌旗在眼中

秋日南園雜詠八首

細水通潮沙岸侵
青苔及榻簷涼深
小樓對面翳蒼樹
風雨昨宵同我吟

客去殘棋賸石枰
香爐灰陷篆難成
涼蟲如雨門初閉
茶夢黃葵花底生

爬沙古調江上秋
十六輩來供拍浮
茅屋酒旗是儂語
不堪制草內黃侯

倚遍闌干水欲風黃昏吹散霧濛濛柳陰明處無多地月在波
行魚在空中

酒間得月三人共竹所留雲一鶴眠正寂寥時鄉思動落潮水
口有歸船

木棉潤布亦蒙茸寄與天涯好禦冬昨夜早寒差慰藉四婆裙
子定新縫

苔闌虛掩晚鐘前草屨潛行落葉邊秋雨滿林須把滑老夫新
曾石頭禪

幾日鱸魚得飽餐天邊一雁已催寒蕭門斜照依依在秋色今
年海上看

雨後康起山孝廉愷見過留飲桂樹下

意外得新霽屐聲來故人昔分秋一席樹現佛全身影納池光

白香攬酒味醇淮南小山在仙侶許相親

廣富林拜陳臥子先生墓

遺編風雨最淒神閱過壬申巳甲申勁草百年留故籠正聲一
代殿詩人國殤僅不衣冠葬祠祭重煩俎豆陳
聖世褒忠原曠典感

恩地下泣孤臣

題嚴香府鍾山水畫冊三首

澗曲林長往復迴纔過小雨漸烟開秋陰一片難收拾吹入青
山影裏來

板橋平壓斷溪橫矮塢斜銜夕照明定有幽人看竹去一條莎
路草鞋聲

遠景江南得飽看禮摹比苑辨應難磬頭山下牛毛樹著墨無

多秋欲寒

家望樺河招集吾園看芙蓉

脂粉翻嫌畫牡丹一般骨相耐清寒
酒人同對斜陽好秋色須
沿溪水看雁候蛩餘思命艇楓邊菊外幾
凭欄徐熙小筆今朝
見十里西風放鴨灘

今年連舉三孫詩以志喜

十年前已作家公喜見三枝茁又同銅鑷
此生羞拔白酒缸他
日費纏紅不知藏硯傳誰好但願能文比我工
自幸北堂猶健
飯萊衣待率舞春風

渡黃浦

奔濤直走海門東披豁風烟望眼通
網罟萬村近水魚龍同
穴地浮空蒼茫遠景移三島明滅孤雲送一篷
只我驚心波未

定江豚又拜浪花中

晚泊

落日蕭蕭平楚間待潮隨意泊前灣風吹竹葉似流水雲壓樹梢成壞山沙蠅捕餘虛穴在木縣採後斷腔閒春申往事誰憑弔烟際如聞珠履還

詠醉蟹

開爐酒事興開戶食經輯水族無恩加糟邱有波及密籠雙螯撐寒瘡幾輩東琴方輟我彈甕乃請君入飄瞥茶夢回橫行醉鄉集皂莢薦青腔辛椒糝丹粒沉酒忘三臠曹騰縱一吸澆腸易中運軟脚尚僵立詎樂飲亡何且免煎太急臍肥飽黃封袍淺謝紅裙長卿渴旣消介士威早戢滅燭防羞明膏泥甘伏蟄逝同醯雞遊終等枯魚泣所喜客乍過無虞鮮不給風帘十千

活雪屋三九葺新香外骨披舊例左手執佐宜霜齋清捕記露
草濕稻梁感江湖葭菼慕蓑笠看燈期漸近洗手方預習願破
太常齋持來就米汁

未縵園中翰

文煜

招集映桂堂同賦寒事八首

踏雪

不用租驢券衝寒任意行酒燈雙展輾樵路四山明去約探梅
侶來尋折竹聲前村繫船處記有板橋橫

探梅

昨日山僧報一枝深雪開暝穿松樹去香透竹光來殘月明孤
嶼寒烟破米堆啁嘈聞翠羽猶自隔林隈

曝背

愛爾負暄者茅檐幾輩從破寒忘蛭縮顧影覺龍鍾半晌黃綿

擁一天白醉濃脫衣還擇蠶無事怨衰情

圍爐

紙閣共招尋不知雪已深
畫灰前日句送炭故人心
匝匝談何密回環酒共斟
十年嗟負負芋火夢禪林

釀酒

疎雨糟牀落鄰家正撇
撈排年逼婪尾縮水重生
頭此味多醇厚吾生慣拍
浮策勲風雪裏合拜醉鄉
僊

烹茶

老饕貪一飽細肋劇堪憐
配以躋堂酒分來祀竈
延躑蔬防舊夢熟胛感殘
年爲笑陶家味須商雪水
煎

擁被

一夢蘼花醒綿綿味尚酣
溫磨同睡鳴繩裏笑眠蠶
官自黃紬

擁吾能敗絮甘山童榻前報曉日已竿三

縫裘

質庫年年去重逢冰雪中幾絲新補綴一領舊蒙戎只合蓑爲伴還隨酒策功
鑿坡退食處記表大夫風

聞秦蜀羣盜盪平志喜四首

悶說櫓槍掃應寬

聖主憂凱歌喧曰下吉語送年頭此戰誰強敵諸君已列侯策勲

當代厚肝膽幾生酬

禍患天心轉痼癰

帝念頻可憐皆赤子何忍說黃巾網已開三面于猶舞七旬只應稂莠難耕鑿息吾民

羣山圍莽莽萬骨此中枯鼓角無聲響蟲沙有嘯呼空歸都護
馬頻恤羽林孤魂魄今應慰形埶早獻俘
幾載勞師旅回頭心尚寒書生無上策長吏要清官從此謀生
息惟應計治安履霜曾有戒小醜莫輕看

梅信

十日東風凍欲消漸催春意上花梢黃昏破曉生初白水墨和
烟畫數椒索笑茅檐猶落落籠香竹樹不蕭蕭青山舊約今須
踐準擬擇船趁早潮

哭張警堂觀察

銘

忍教前事付蒼茫絲竹依然此講堂搔髯不禁吳髮短談經爭
美賈頭長功名夢已黃梁熟弟子情難絳帳忘柳影花香俱可
惜重來何處醉斜陽

大風渡黃浦

驚濤撼地軸，逆浪爭海門。風色白一片，中雜魚龍渾。浩浩搏沙石，渾渾失朝昏。雷雨生虛空，安聞人語喧。舟師貪利涉，蒲帆去如奔。熟習耳目慣，冥守神明存。稍稍漁路通，水口已見村。餘威警草木，小住淒心魂。濁醪須滿酌，行沽叩柴門。

雪

飄瞥轉斜光，東風勢更强。寒姿出清峭，暝徑入微茫。差喜竹無恙，似聞梅有香。米堆山正好，去去覓輕航。

橫渡舟中望霽雪

野氣寒欲流，微陽泣竹柏。遙知殘雪晴，已沾春水碧。乘潮舟去駛，明滅映葭席。行雲脫輕素，飛羽搖片白。畫本擅人工，此段遺刻畫。奇懷苦耽吟，生理趨及澤。掩曖動人烟，氤氲浮宿麥。相思

剡溪隱一徑玉烟積窺篷新月生賴慰梅花少

行七寶泗涇間村落清閒風景可愛

荻茨屢回首雞犬若可親迎路相問答半是漁樵人竹色通一
橋曖然烟自春纔逢梅花落已見芳艸新殷勤瓦盆酌鄭重禮
意申翁堪號足穀兒豈慚負薪二月冰旣泮婚嫁行及辰勿學
城中眉慎守樸與醇

哭鮑雅堂戶部二首

飛騰意氣盛詞塲蓬島船回路渺茫惘惘送人多作郡蕭蕭垂
老尙爲郎紅衣關塞詩心大白髮江湖酒夢長惆悵戴公山下
路不會難帶換歸裝

孟公樽俎不能閒交遍名流四海間宿草幾人澆白酒舊遊如
夢剩青山可煩賢妹書重續但有佳兒命不慳一笑虛空等游

戲郎當莫悔此身頑

雨中咏莊招集吾園

借得名園折簡招迷人烟雨畫難描到門春水綠王岸夾路野
花紅過橋苦累半生營仕宦閒偷一局混漁樵分明櫻笋江南
味說到家山夢轉遙

西漢定陶恭王陵鼎歌阮芸臺中丞元屬賦

悍雷夜逐妖狐起野壙中穿電光紫故鼎陵荒出定陶遺銘地
占稱汧水汧水喻麋壤本通共厨當日隸扶風蒼苔不蝕千年
字野火能堅百鍊銅三環兩耳攢三足一斗能容受之腹歆雲
寶氣涌純青漬雨銅花裏寒綠我聞恭王材藝最承恩類我幾
移神器尊纔伏青蒲全太子誰招飛燕啄王孫龍墀一夕尊新
主天子兒爲天子父樂府登歌寢廟增祠官上祭原陵補范金

爲鼎禮亦宜洪爐鼓鑄驅風師芒搖星斗昆吾冶真合雲雷
壞祠私親一例染盛薦衮衣曾拜共皇殿香火難教後代延波
濤易嚼前和見卽如九廟鼎孰陳赭鞭不管神靈瞋銅仙掩泣
歌辭漢金匱行封頌美新寶衣零落飛灰冷鬼唱秋墳過無影
陰房但作鎮山傳異代誰知覆餗警仙館琅嬛幸許登風塵賞
識荷中丞短長度用盧僂尺波磔窺從雁足鐙一經歐趙親評
後光怪時時生戶牖定知寶物鬼神呵要付花宮龍象守清歌
唱到渡江雲故鼎譙門若喚羣文字三生謀作合烟山一席許
平分松寥去去輕舸泛海衆歡迎響清梵坡老眞同玉帶留辨
才豈怕蘭亭賺從來好事足流傳者訂休疑累後賢老鶴亦知
銘字古月明自守墓門眠

送陳默齋參戎

廣寧

之任閩中三首

請纓早歲奮雄姿拂拭龍泉又幾時
橫海新聲馳上將羽林舊
隸感孤兒一天梅雨催行李萬樹榕陰導鼓旗
珍重詩書敦夙
好兜鍪畢竟仗毛錐

尉遲杯罷唱驪駒眼望滄瀛慷慨俱
兵氣已聞消楚蜀鯨牙豈
許鬪孫盧燈呼帳底煩飛檄風涌潮頭待控弧
勲業請看青鏡
裏當年曾是一臞儒

三山迢遞去停驂燕寢香凝拓戟談
爭得詩如珣柱俊說來士
比荔枝甘甲兵吾輩胸須富忠孝君家字不慙
聖主用才多被格卽看豹變蔚東南

有正味齋詩集卷十六目錄

錢坫 吳錫麒 聖徵

東臯草堂集

移居東園仍用樊榭集中韻四首

味莊書來招赴上海賦答

渡泖湖

驅瘡行

病起

甲子元日

落梅

題孫蘇門翰林

宗承

少初山房圖

松江待潮

重宿南園二首

舟泊鎮江三首

寄萬廉山

承紀

題宋芝山山水冊二首

題郭頻伽月下修簫圖三首

秋水庵觀新綠

讀淮南子

題劉純齋前輩

錫叔

六十歲像

題友人看菊圖

陳梅垞

思賢

以藉隱山房詩索和六首

藉隱山房

寒木春華檻

秋吟閣

篠屏

卧月廊

七峰草堂

題家白厂

照石湖課耕圖

壽沈梅村六十

題汪芍坡前輩

新黃鶴山房圖遺照

丁南羽劫鉢圖李味莊屬題

題石谷子爲王耕客畫桃鄉圖

題友人江深春草閣圖

正月九日陳花南

韶

招同何春渚馮寶庵項秋子集梅

園看梅地卽韓蘄王花園也

馮寶庵給諫自西湖移主蘇州紫陽書院賦詩留別奉

酬二首

十九日同黃相圃湯點山

禮祥

余慈栢

鍾

陳仲恬

鴻豫

陳秋堂

豫鍾

三塋觀梅丹出板橋關

夜宿蔣葆存

炯

階綠草堂

曉自大港橋泛舟至蔣村

出五橫橋望方山

泊七賢浦步沿大雄山看梅

歸尋太僕洞

哭座主大學士王文端公四首

雪後過錢店

花朝日李味莊觀察招集平遠山房卽席口占

坦園同年伍泰自粵東調守山東青州舟過維揚賦贈

二首

白秋齋參戎

雲上所藏

陳榕門相國手札遺卷令子坦

齋

守清

敬庵

守廉

屬題

郭頻伽來寓湖上以病起懷人詩畫冊屬題二首

六十生日自述七首

汪抱樸先生復園爲往時諸詩老讌集之地嘗以池上

紅板橋新成會同人分韻賦詩牧牛行者爲之圖今

已六十年矣其冊今在家思亭

修處

梁山舟先生

同

書有詩卽次其韻

題汪稼門中丞

志伊

靜觀鳶魚飛躍圖

瓜州

寒雁篇

題樂蓮裳孝廉鈞青芝山館圖卽次其韻五首

邗溝王廟神絃曲

爲伊墨卿太守題傅青主畫

有正味齋詩集卷十六

錢唐 吳錫麒 聖徵

東臯草堂集

移居東園仍用樊榭集中韻四首

磨驢偃蹇步陳餘欲息勞生自葺居屋角清陰遙借樹階前流水暗通渠數椽開拓宜親舍四壁荒寒稱敝廬來往最貪冠蓋少漸教蹤跡近樵漁

載書裝書似米顛請鄰祭竈效坡仙祇防易失田間道東園地開墾行者往幸免重牽岸上船頻語嬌兒移竹種好呼酒弟對床眠多情願能分底幾處殷勤寄俸錢

蒼鵬過眼夕陽斜豈有身名望世誇老去雄心圖種菜狂時破帽學簪花隔牆燈火聞機躡近水鐘魚數梵家但念雛孫還自

課書聲滿耳不嫌諱

詩人北郭續前聞上將南湖策舊勲賣藥青門吾亦得委身黃
卷昔曾云盤旋敢信魚千里嬾散應隨鷺一羣可惜西溪成約
在梅花空向夢中分

謂與沈梅村
西溪之約

味莊書來招赴上海賦答

纔得巢痕補重勞尺牘招酒星侵露動帆色逼風搖舊榻猶懸
夢前程正上潮南飛如待奏我請笛先腰

渡泖湖

天霽開澄鏡帆飛趁夕陽雲解孤塔峭波落一簪涼客枕流山
影漁烟接水鄉高歌獨不見葭路望蒼茫

驅瘴行

爾不入水從馮夷亦不處澤同蛟蛇公然人世邀以嬉竊弄造

化行四時寒中人冰結斯洪爐倏又融風吹翻手覆手燭所
爲或牝或牡相追隨如潮長落信不移比市早晚無愆期將軍
帝旁慘勿怕力士閣下逃恐遲而我亦受拜賜師微入廢環顧
落肌都陽暴謔乃甚之連朝伏枕輾轉思七娥已戒窺房惟三
弋並謝充鼎脰我不爾召爾辱施遷延母乃戚自貽行摩元關
啟玉匙部署神國揭雲旗呼桓石虔供指麾招殷內史從討治
草檄一昔磨礪麋飛符俄頃騰毛雉風雷下擁丁甲馳片紙突
過杜老詩爾請火速離茅茨後者捕充黃父飢涼月漸上游氣
披策勲重進酒一卮

病起

短筇扶我起荒徑待誰開醫謝肱三折書拼獵一回髮痕難雪
釋券帖易年催驟覺吾衰甚生疎到酒杯

甲子元日

我生丙寅今甲子六十年差二齡耳荷鋤擔甕百不能日日毛
雖鑽故紙憶昨東華瘦馬騎頭銜廿載條冰似故人相見盡貧
交不信休儒飽欲死歸來寒餓仍筆耕綠洗門前半溪水一餐
珍重茅容雞千里難難仲由米昨秋松江卧病回五月呻吟困
床第參苓咀咬亦何補風濕浸淫幾不起豈知還復有今年重
見梅花開蕊蕊高堂衰白尙健飯膝下青紅亦堪喜縞衣冰雪
如有人來勸開尊浮綠螳平生醉過幾千場漸覺朱顏不堪恃
時衰厄閨比黃楊衆棄得全如苦李從頭再與數年華璧則猶
是馬加齒

落梅

鐵笛江城昨夜吹東風明月與徘徊前身流水杳然去一片白

雲吹不同有底啁啾煩翠羽無多情味在青苔遺翁墓上吟詩
歌尚賸游心憶米堆

題孫蘇門翰林宗承

少初山房圖

蘇門湖州歸安人家于菱湖嘉慶庚申圖試賜翰林院檢討

所著有菱湖紀事
詩蘇門山人詩存

煙蘿鎖門一丈長租船出泛蒼花香波深露細舫搖去滿頭白
髮吹蒼浪故山猿鳥怨不得行李最是詩人忙菱歌唱與老鷗
聽能知風水諧官商昨年南屏尋舊夢似聞長嘯來鸞凰衲衣
羽裳盡朋友同載高士湖頭涼功名特達老輩健錦袍影照菰
蒲鄉披圖有路如熟識叢叢楓栗蒙丹黃我家老屋去不遠打
魚破網拋寒塘茗溪五隱君好繼我亦祖德思難忘梅花有約
共君往樽酒一瓶呼夜航

松江待潮

積雨彌長林潛雷動陰壑空明泝波深幽阻候潮落舟子語寒
沙行人度危狖平原漸丰茸曠宇尙寥廓去去辭漁餐行行踐
鷗約高蹤緬峰泐風水樂棲泊孤心託江雲矯翅凌海鶴古調
隔蒼茫相思宛如昨

重宿南園二首

不到一年久重來欵竹扉老藤盤石瘦春水上魚肥風雨餘生
在江湖舊夢稀無言看鷗鷺來往總忘機
鐘聲飄集閣潮氣漲平池燈火桑三宿光陰黍一炊病餘憊緩
帶吟罷感衰髭慰勞煩賢主時來就酒卮

舟泊鎮江三首

樓上玉人寒春瘡瘦尙攢愛嘗京口酒禁得木瓜酸
草樹曾經六代煙雲不改三山一庵海嶽猶峙我來讀畫其間

帆葉如牆進不遲夕陽重唱渡江詞戴公山下黃鸝語正是東風二月時

寄萬廉山承紀

竿木逢場亦有緣江湖勝事幾流傳
表聖情關並屋雨少陵身荷草堂
錢二分明月今宵近莫照離心兩地懸

題宋芝山山水冊二首

梅沙彌擅浙西派米虎兒法南徐山先生游跡半天下萬言千
著樹濃苔絡石藤峰峰雨氣有嵐蒸就中篆法誰理會除却詩
龍爽不能

題郭頻伽月下修簾圖

鳳凰今不來相思隔秦臺姮娥肯相顧吾將覓簫材
老蟾近人三尺翠羽邀君一雙問琰水仙王廟明朝乞食渡江
國工罷吹亞簫築大江絕響銅琵琶白石老仙呼欲起春風狂
殺馬騰花

秋水庵觀新綠

禪關重踏夕陽殘晚荷餘花春已闌冥合空苔千樹遠影流慢
水一溪寒鬚眉色染忘真相鐘鼓聲沉付靜觀寺額題靜觀二字爲是苦
瓜僧去久此間留作畫圖看

讀淮南子

不求萬畢術但誦鴻烈篇道德爲大藥點化無凡鉛辛苦著書
心號召賓客賢猜疑動人主禍起成蔓延吁嗟招隱句不唱秋
風前荒墳人寂寞遺堊埋荒煙世人苦憐情謂已登神仙回首

招八公雞犬猶雲邊

題劉純齋前輩錫嘏六十歲像

不待鱸魚一箸風回帆鼓打浪花中烽烟楚澤催歸官鬢雪揚
州感寓公北極星辰心自戀東山絲竹興還同畫圖傳出蒼茫
意松影寒眠澗底虹

題友人看菊圖

溷我催租吏吹人落帽風白衣渾不見饒殺看花翁
赭肩盈擔分與冷眼移燈就他縛瓦培泥辛苦傍花村裏人家
聽塵糟床曉不眠起來料理酒家錢籬根沙嶼蘇蘇上趁汝陶
瓶小隱天

陳梅垞思賢以藉隱山房詩索和六首

藉隱山房

游雲非一族出處各有志君倘服先疇吾將課春事

寒木春華檻

落落抱冬心誰是知我者東風發華滋桃李總凡下

秋吟閣

高閣坐斜陽吟聲出紅樹不放詩人歸白雲攔去路

篠屏

種竹如屏風風來掃苔石畫我於其間秋聲飽日夕

卧月廊

月來不知迎月去不知送老屋眠石床吾與子同夢

七峰草堂

昂然八竹林自負酒人列與訂平生心絕不作軟悅

題家白厂

照石湖課耕圖

片雲飛出麻源谷

自南城故居麻源谷

來覓楞伽山畔宿拋棄儒官苜蓿田

經營野老茆茨屋

人家簇簇西復東一湖新水環當中廢殘杏

樹鳩邊雨吹暖桃花燕外風鄰里相逢告春及催人芸鼓焚槩

急兒爭乘耜婦負餽身慣披蓑頭戴笠自稱識字耕田夫我道

前身范石湖生計龜聞足鯁菜詩名近已滿菰蒲畫者真能解

君意滿眼林巒工位置合成空翠欲無天抹過橫煙方見寺一

塔斜陽樹杪懸老僧獨立候門前下坡牧笛牛歸舍攏听漁歌

鷺引船君自學田吾學釣但對青山同一笑乞米何時帖上酬

得魚尙欠壚頭名垂虹影裏蘸楊枝慘綠迷人又幾時二頃尙

能謀北郭子綵定許網西施揚州明月重相見感我依然食破

硯估客安知水調悲玉人只怕簫聲咽讓君先占圖中短短衣

赤脚樂有餘稻香熟妻孥聚吳語分明在草廬

壽沈梅村六十

料理歸田計早成優游六十漸忘名宦途手版黃塵夢詩客頭
銜白水盟松菊荒寒勞覓隱齋鹽淡泊苦謀生一瓶祇有烏程
酒能似先生到底清

我到君家便泊舟君來我里亦能留詩狂酒渴雙青眼女嫁男
婚兩白頭有約結鄰西郭近何年種秫薄田收仙山樓閣原無
際且策芒鞋賦近游

題汪苕坡前輩新黃鶴山房圖遺照

高閣登臨屢振衣晴川歷歷對斜暉山蟠草木憑蛇折地有天
洗風煙待鶴飛種後十年松已大重來三月柳成圍不知鸚鵡
洲前客誰其題詩在翠微

丁南羽刼鉢圖李味莊屬題

蓮臺花四面高擁梵王尊一鉢凶雛攝千兵鬼母屯絳衣來窺
窀羽蓋降嬋媛但聽呱呱泣空教蕩蕩捫藕難逃入孔井似目
於眚暗激嗔雷動斜連怒電翻旗搖風獵獵輪踏火焯焯呼嘯
神姦聚嶺管草木奔崢嶸出頭角雜沓鼓尻臂弓仗雲端下刀
輪雨點繁水聲移渤澥山勢負崑崙輕趨繩爭度嬖姍柱倒掀
出奇呈伎倆茹苦鬱煩冤慘酷波旬道光明般若門獅令狂象
怖鵬禁小龍吞俾發皈依願徐聞微妙言爭因期後日惡趣洗
初番還汝摩尼子同歸歡喜園羯肌前眷屬迎葉舊祇洎覺路
燈傳續靈文寶積緡丹青聊作劇界畫豈辭煩狡猶心徒逞慈
悲手自援李森爭墨妙朱璧共毫鷲世以神通駭吾將變相論
是誰乘赤豹何物溷青鴛天上防魔壞人間感蠱愴么麼紛若
輩飄泊半游魂檣櫓鯨波擲樓臺蜃氣昏水仙寧更活山鬼不

常存已分盡沙化何憂豺虎蹲妖氛消旦晚佛日徹乾坤掩卷
空林寂雲煙過去痕

時海上有
蔡華之亂

題石谷子爲王耕客畫桃鄉圖

桃花鄉裏桃花風一夜吹暖溪頭紅明霞照眼鶯啼樹春水拍
天鷗在空隔花畧約斜通處有客棹藜從此去閒領雛孫叱犢
行頻持老瓦招農語蘆心簇簇油菜黃麥苗刻刻沒雉長平連
芳草羣鵝戲閃過斜陽一燕忙幽深真箇仙源在隱隱茅茨白
雲內蠶市旋催桑柘挑社園爭趕雞豚賽飛來艇子中有人孤
吟賞遍沿流春糲糊脂粉空林沲點染丹青小筆皴畫者何人
王石谷宛然耕客詞中讀

耕客有挑
鄉詞一閱

一桁遮留上已山百金料理

中人屋鱸亭蟹舍幾堆煙揀擇江湖好處眠卧聽鳴榔流出港
夢隨耕笠往于田朝衫脫却甘慵惰此地寬閒須著我茶筍全

憑計畝收藤蘿一任攔門鎖回首天涯綠屢肥圖中猶自盛芳菲
桃花欲發今朝笑前度漁人尙未歸

題友人江深草閣圖

盤鬱孤青裏齊收四面風濤聲高閣夜帆葉大江東寒瀉月如
水夢流鷗在空我思搖櫓子吹笛浪花中

正月九日陳花南

韶

招同何春渚馮實庵項秋子集梅

園看梅地卽韓蘄王花園也

帽拂疎香過水坳數椽人戀故侯茅世更戰伐容驢背花耐高
寒護鶴巢白髮愁教疎酒琰青山知不負朋交尙應居士清涼
夢留挂前林月一梢

馮實庵給諫自西湖移主蘇州紫陽書院賦詩留別奉

酬二首

難得勾留笑語溫湖山五載贍巢痕管絃落日催詩舫花鳥春
風問字尊小別贈言彈古調諸生流涕話師恩隨君只有康成
草直接吳波綠到門

一條蔣徑易苔荒愁溯風流過講堂後約只應盟宿鷺此行渾
不待垂楊通翁定惜辭巢鶴坡老寧爭換字羊教澤最宜桑梓
近好留文采照滄溟

十九日同黃相圃湯黥山禮祥余慈栢鍾陳仲恬鴻豫

陳秋堂豫鍾三整觀梅舟出板橋關

孺侶踐山期巡煙通舫響鳥亂日已斜帆紆渚疑在長虹乍超
越圓鏡倏開朗青收羣岫同綠瀉一波往似有花光生欲并夕
陰盪依村酒颭旗攏岸漁挂網于野卜同人在阿緬吾黨來去
各吟篷津吏莫惆悵

夜宿蔣葆存湘階綠草堂

寥寥聞大聲疎燈漏蘿隙預約雞黍歡竟造主人宅水口榜旣
弭門外徑初闢香來早迎人身到不知客性情洽壺觴寢處習
山澤雲低易生寒月上漸流白晝格見橫斜窓影紛若積

曉自大港橋泛舟至蔣村

榜人迷葦路屢輟柔艣鳴行行初陽照綠綠荒波明鷗鳬導往
踐負販喧來聲人烟漸稠密林風自幽清時逢看花侶亦復貰
酒行徒慨著書廬履跡蒼苔平功名渺宿夢山水餘故情明田汝成居此
煙條一攬結惓然念平生

出五橫橋望方山

冥濛宿陰開的皪花態顯峭然花外橫春逗一峰淺嵯峨遠莫
攀崇業勢有行宛彼傲世人意狀殊偃蹇寒姿若媚之相對笑

微展葆素信所安守道願同勉扁舟如與期沿流屢回轉

泊七賢浦步沿大雄山看梅

急喧謝鳴臚習勇振吟屨青蒼有無間森峭一支落涉徑香幽
微行林春染著時見淡白浮皎如插雲脚逢時老幹奮極盛精
氣託花飛欲來風人去訝留鶴流連企奇趣繼繼促新酌未及
上翠微飛夢越崖

歸尋太僕洞

紆回拾殘步詰曲沿平岡撥草圓竇窺跳身仙壺藏嵌空裂一
縫透落天蒼蒼疑帶寒雲歸驚觸蝙蝠翔其西孰開闢豁達如
堂皇不知斜陽入謂是山月光盡攝竹栢影石壁搖低昂出入
神屢誤詭變言難詳摩崖倘相許後約他年償

哭座主大學士王文端公四首

盤鬱龍門勢篤生爲大賢精神河壯濶風骨鶴盤鸞伉直吾
君諒清貧衆口傳歸應到天上常作尾箕懸

但抱孤忠在常如福國游身寧憂虎尾名不愧龍頭經濟胸多
裕文章篋罕留他年金鑑錄定有史官收

聞說東都餞依依惜去程蒼生心自繫王室夢猶爭詎起田間
卧翻勞日下行節終煩

聖主殊禮盡哀榮

餘生焦爨在塵外感知音

翁王辰歲出以焦
則人聽賦受知

直接三條燭如通一寸

心莊慚荒自昔室負築于今徒有羊曇淚西風濕滿襟

雪後過錢店

換酒脫蓑衣桃花雪後飛薄寒風與峭新水夜添肥一鳥乍驚
夢幾家猶掩扉釣師何處覓春草冷漁磯

花朝日李味莊觀察招集平遠山房卽席口占

一帆斜日卸江城
笛吹停喧笑語迎
舊雨只憐雙鬢白
今朝真見萬花生
流連光景燒銀燭
陶寫情懷付玉笙
聽罷流鶯聽布穀
關心早已到春耕

坦園同年

伍泰

自粵東調守山東青州舟過維揚賦贈

二首

簪筆曾叨仙禁陪衣裳
又帶瘴雲回風雷收拾蠻中路
鼓角遮邀海上臺嶺嶠
卽今除盜賊青淄行見闢
汙萊高牙回首皆吾輩
經濟原資待從才

卅載春明夢已醒
鐘聲猶記早朝聽
艱難仕宦催頭白
冷落江山過眼青
酒伴數來雲易散
蒼生話到涕先零
憑君去展齊風大
我在天涯望福星

白秋齋參戎

雲上所藏陳榕門相國手札遺卷令子坦

齋

守清

敬庵

守廉

屬題

氣應起風雲情投合膠漆所貴君子交幽贊同一德桓桓白將軍勇銳世無匹當胸隱甲兵在目富書帙弱冠廁羽林出入奉清蹕此身忠孝身血性自流溢懼貽考妣羞請爲

朝廷出具區三萬頃伏愿肆奔擒江湖縱濶大那許緣縫蝨澄清激初志慷慨誓除賊陰設其機關閉使不得逸荏苒一朝盡窟穴亦蕭瑟其樂飲食天還汝民之質誰知竊祿流垂首氣如塞能興樂羊謗翻怨子罕扶是時桂林公正駐撫吳節念其肝胆誠願爲民愛惜臨風佈十行鄭重附羽檄其詞寓箴規其意甚眞實飛空一紙書勝讀三尺律我昨游揚州猶聽百姓說道公松陵來懷水守逾潔纖塵吹不上四壁立精鐵而獨念閭閻

救患恐不力出沒隨融風譬若飛鳥疾能令火退舍不敢騰赤
舌淮陰何少年揭竿起君卒欲奪北門管官吏莫敢詰將軍從
天下呼叱起霹靂縛之若牛羊牽引就砧鑕是謂兵衛民良謨
稟前哲哀哉赤舄歸已矣大樹歎二分明月照但見春風筆鼓
鼙思將帥去後惜難得邇年海上師魚鳥雜聲耳豈無二公等
可與論碩畫文武道相須今昔治惟一大旨苟得之所往輒破
的寄語賢子孫寶此永無斃藥石孟孫言甘棠魏公笏

郭頻伽來寓湖上以病起懷人詩畫冊屬題二首

浮屠樓上擁衾哦全仗詩神埽病魔舊雨停雲都在眼一燈如

夢伴維摩

一箸思嘗宋嫂魚孤山脚下賃新居西湖不是多情物珍重貧
涼中酒餘

六十生日自述七首

世事風捲沙光陰車運轂墮地六十年食粟過百斛草草腐儒餐半竊

天家祿冰銜一條署餘事羞碌碌老馬骨自擗意不在畫肉盤鬱蒼生懷風雨念茅屋白首竟何補伐檀懼貽辱遂令出山雲偃蹇就歸宿吁嗟忠孝字何以質幽獨

我家先人宅門對苕溪清桑竹所蔽路人多荷鋤行自徙錢塘來百載居屢更辛苦我祖父專以筆代耕教我識字始以迄于長成長成拙生計妄想希榮名我祖蓋棺日我方賦鹿鳴及乎祿養逮乾陰倏以傾每念天地恩默默慚平生今朝起庭際兒孫前奉觥持酒不敢酌欲語難爲情芒鞋走曠野松楸動悲聲貧家生計拙我小百不知我祖父于役謂仗我母支食茶心獨

苦輟轉寒暑時迫我十二三暑能往事思其年下大歉道路多
流離呼僮糴官米去去日漸移空鑊煮白水難作巧婦炊上懼
高堂與下恐兒女飢一釵質百錢粗得飽餅餐忍餓獨無言淚
下垂如縻此景兒所見此情人其悲豈期有今日雖貧或勝之
陽城誨諸生親老咸思歸而我母在堂况忝國子師烏私榮方
寸得請荷

聖慈還家今五載循陔喜未遲每說小時事在母膝下嬉安得
六十人常似六歲兒

我少劣且頑好逐羣兒戲本非英雄姿翻學泥水蔽歸來脚不
韋但藉莎草睡往往畏貴人束縛使心悸卽今挂朝籍猶懶冠
帶繫有時熟客來亦不相責備田廬旣云返稱身宜芟製結交
喜洪厓謂雅存與我同年紀短衣塞外歸出語更瑰異胸中萬里

圖吞吐白雲氣每其山水游笑我脚不利烏庠輩行中多少荒
苔瘞我身幸健在安用追騏驥暇尋靈隱石爲證三生契時見
騎牛人吹笛綰雙髻

菟絲與女蘿糾結自蒙密貧家有夫婦跬步不相失而我如匏
瓜河漢阻靈匹年年踐秋諾相見得幾日可憐蒼浪髮霜雪齊
奪漆我婦更長余六十今過一昨年初度期正被飢驅出欲以
詩壽之落紙無一筆艱難鬱萬狀累汝不能述有屋待牽蘿無
田安種秫蒙

恩許歸養甘旨謀且紉區區束修羊聊藉充鼎實汝以我貧故
長齋誓學佛卅年仕宦身不能贍家室恒言不稱老願景但蕭
瑟

嗟子弟行役東西路何遙荆樹本同根乃各榮枝條憶當就傳

日其習詩書教功成在積累意得忘矜驕有時出心兵欲與古
者鏖學成斲輪手苦代他人庖關山多雨雪江湖滯風濤昨得
仲氏書申紙詞滔滔念我年六十自嘆亦二毛落木思葉本鳥
倦當歸巢曾當約子季同結秦亭茅壽親無算爵進我長生瓢
殷勤薦此論此論吾人操願謀田可種願買山可樵薜蘿紛在
眼行就山靈招

韓蘇阨身命謂坐磨蝎宮乃攫世網累投入憂患中鯢生遭
聖世披拂承和風文章翰林重官職師儒崇江湖許乞身
恩禮有始終上堂拜慈闈頭白貌更豐家人各無恙一室笑語
濃諸孫已六七亂髮垂蓬鬆但知索梨栗挽鬚呼阿翁卽此具
三樂何用憂五窮况窮固自佳闕陷休彌縫保我頑鈍姿絕不
瑕垢蒙前言自凄苦吾道原從容戚友既來集縷縷情欲通請

以祝阿母壽可如喬松

汪抱樸先生復園爲往時諸詩老讌集之地嘗以池上紅板橋新成會同人分韻賦詩牧牛行者爲之圖今已六十年矣其冊今在家思亭修處梁山舟先生同書有詩卽次其韻

風煙隱約護荒園
有園亭客到頻
畫出小橋能宛轉
咽餘流水祇酸辛
屐痕曾記邀前輩
柳眼應愁少替人
臘有池邊舊鷗鷺
定曾來往識清塵

題汪稼門中丞

志伊

靜觀鳶魚飛躍圖

兩間元氣之彌綸
超乎象者爲至人
其餘鳶魚等物耳
飛躍亦具天機新空中
矯翹雲活活壑底
鼓鼺波鱗鱗及其
潛伏亦何有水自
還水雲還雲人生
心本一天地磅礴
上下周無垠聖賢

著脚在實處所要疏濬先靈根淵源汴泗子思子曾證旱麓詩
云云中丞圖此得性始萬物收入胸中春大江南北提一律總
以赤子憐吾民頽飭罄雁得休息滿眼生趣蒸氤氲平生講學
務根柢樂無事日招儒紳中庸章句蒙誦熟鐸舌一叩頑愚振
秕糠不許釋老溷彌縫吾道醇乎醇記當樹屏在浙水甘棠舍
近吾曾親公之經濟本實學公之言語皆至文行生妙旨說中
聞願究終始求其津天邊水際看無盡一點靈臺畫出真

瓜州

近埠江纔斷穿城路轉紆烟華資水竹潮色閃風蘆鳬雁同如
旅林亭半就燕當年燈火夜落絳酒曾沽

寒雁篇

吹來天半多哀聲乃是征雁磬磬鳴千里如酬望遠曲一羣同

唱苦寒行苦寒欲語先嗚咽
萍梗無端心苑結口信今番漠北
霜爪痕前度江南雪雪痕霜信遞相催喚弟呼奴往復同衰草
已迷青冢路悲笳初繁白登臺天涯儔侶招還集瑟縮平沙幾
行立飛殘木葉影空俱捲亂蘆花夢難入黃昏月黑度樓前驚
起樓中少婦眠可奈砧來愁暗管可堪燭滅恨重牽此身已分
隨飄泊此地無端思倚著樓時原羨丈人烏凍殺誰憐紇干雀
衝鷗白晝驅壤雲哭聲倒向洪濤聞魚龍起蟄招同隊鵝鸛凌
波合一軍蒼茫中澤頻呼籲河伯不仁寧預料漂搖身世羽毛
摧浩蕩江湖稻粱少令予側耳重悽悽苦竹黃蘆聽汝啼風折
斷弦誰與理冰膠敗牘若爲稽丁寧莫欺春回晚尙有鸛鵲能
繼繼雁戶移教就食來雁臣行送隨陽返肅羽搖空氣漸蘇已
營安宅慰羈孤願看野杏徐熙畫常念流民鄭俠圖

時清江水決壞
人民遺舍不可

勝計故
及之

題樂蓮裳孝廉青芝山館圖卽次其韻五首

不下市廛居不泛烟波宅琴書度可度隣舍喜既擇居然圖畫
中先據一拳碧他日入山來庶不爲生客

梧竹覆其上藤蘿翳其旁能將三間屋圍住天蒼蒼山非山可
主吾自名吾堂昨夜夢林神來索新詩債

往與曾侯論同覓西溪居老鶴縱未盟梅花已有圖胡爲息壤
在乃欲改載書行行君與俱踽踽吾何如

往與曾侯論同覓西溪居老鶴縱未盟梅花已有圖胡爲息壤在乃欲改載書行行君與俱踽踽吾何如

吾身合林泉之子豈巖壑出作爲霖雲移文安用怍青天一矯
首飛聲起鸞鶴廣廈好經營毋戀草堂樂

揮舟高士湖薦菊水仙廟有廬不得歸強來索同調賦罷寒雁
簫相視互相笑眼底青芝山月借二分照

邛溝王廟神弦曲

如荼如火兮揚雲旗導神來兮江之濱駕餘皇兮行遲汭烟波
兮渺瀰沼吾國兮吾將安歸解望射陽兮北許脊合瀆兮延佇
淮有三洲兮作門戶飛芻絡繹兮神力普欲去此兮何處所解
朝迎神兮不來滯千里兮蘇臺花草歇兮春須與栽解夕迎神
兮不返戀美人兮吳苑羅綺單兮寒須與暖解嗟白露兮梧樹
滋條西風兮梧葉飛好冠來兮曾幾時流水去兮夢又迷君不
見烏喙兮誰酌之曷不渾渾兮樂此棲軀刳羊兮擊豕燭光兮
掃紫微無百年兮神亦喜解帶藻兮衣苔魚頭兮告災種無稍
懈兮神爲哀解願自今兮降祐俾時暘兮時雨宜爾禾兮復宜
黍飯可飢兮酒可酤現而笑兮褐之父請酌神兮白紵舞解

爲伊墨卿太守題傳青主畫

如踏石破碎吹來峰頂行秋攢羣樹瘦雲納一峯明照面忽寒
色是時方午晴颯然飛瀑過眼底見縱橫

有正味齋詩集卷十六